

ԱՇՈՏ ՄԵԼՔՈՆՅԱՆ. Ջավախքը XIX դարում և XX դարի առաջին քառորդին. Երևան, «Ջանդակ – 97» հրատ., 2003, 544 էջ:

Աչոտ Մելքոնյանի «Ջավախքը XIX դարում և XX դարի առաջին քառորդին» աշխատությունը նվիրված է Հայ պատմագրության սակավ ուսումնասիրված, բայց մեծ կարևորություն ներկայացնող բնագավառներից մեկին՝ Հյուսիսային Հայաստանի պատմական ժողովրդագրության խնդիրներին, որոնք, պայմանավորված ներկա ժամանակաշրջանում ասրածաշրջանային նոր զարգացումներով, զուտ գիտական նշանակությունից բացի, ձեռք են բերում նաև քաղաքական, դրժնական և այժմեական Հնչեղություն: Մելքոնյանը միանգամայն իրավացի է, երբ գտնում է, որ աշխարհաքաղաքական միանգամայն նոր պայմաններում, երկու Հարևան երկրների՝ Հայաստանի ու Վրաստանի անկախության կայացման ու ամրապնդման իրավիճակում պատմական ճշմարտության լիակատար բացահայտումը դառնում է կենսական անհրաժեշտություն: Այդ տեսակետից կարևոր է հստակորեն տարբերակել ճշմարտացի պատմությունը ներկա քաղաքական հիմնախնդիրների և հայ-վրացական համակողմանի համագործակցության այսօրվա հրամայականից: Պատահական չէ, որ քննադատելով վրաց պատմագրության մեջ խնդրի վերաբերյալ առկա պատմագիտական խեղաթյուրումները, Ա. Մելքոնյանը չի մոռացել կարևորել Հայ և վրաց ժողովուրդների ընդհանրական ու կենսական շահերը ամեն ինչից վեր դասելու անհրաժեշտությունը, երկու Հարևան ազգերի բարեկամության սլահայանման հրամայականի ընդգծումը:

Պատմական ժողովրդագրությունը պատմագիտության այն կարևոր ասպարեզն է, որը կապելով անցյալը ներկայի հետ, հնարավորություն է տալիս առարկայորեն և շոշափելի կերպով տեսնել էթնիկական այն ընթացքները, որոնք հաճախ հետևանք էին նաև քաղաքական զարգացումների:

Ա. Մելքոնյանի մենագրությունն ընդգրկում է քաղաքական պատմության, պատմական աշխարհագրության, Հայ առաքելական եկեղեցու պատմության, Հյուսիսային Հայաստանի երկրագիտության և քարտեզագրության, մշակութաբանության, վիճակագրության բնագավառներն՝ իրենց ամբողջության մեջ: Եվ դրանում էլ կայանում է գիտական նորոյթը, քանզի տեսականորեն ամփոփելով խնդրո առարկա հսկայածավալ նյութը, հետազոտողը գիտական շրջանառության մեջ է դրել Հայեցակարգային նշանակություն ունեցող այնպիսի դրույթներ, որոնք ոչ միայն հարստացնում են Հայ պատմագիտական միտքը, այլև ուղեցույց կարող են լինել քաղաքագետների, ռազմավարությանը զբաղվող մեր պետական, քաղաքական գործիչների համար:

Աշխատությունը բաղկացած է չորս գլխից, ներածությունից, վերջաբանից, օգտագործված աղբյուրների ու գրականությունից ցանկից և հավելվածից: Արդեն իսկ ներածությունում հեղինակը հստակորեն ձևակերպել է իր առջև դրված խնդիրը: Մենագրական հետազոտություն կատարել մեկ գավառի՝ Ջավախքի ամբողջական պատմությունը ստեղծելու նպատակով: Ուսումնասիրության ճշգրտության որակական բարձր աստիճանը ապահովվել է ժողովրդագրական մեթոդների կիրառմամբ, որոնց հավաստիությունն ապահովված է աղբյուրագիտական հարուստ հենքի առկայությամբ, պատմական երկերի ու պատմագիտական դրականության քննական վերլուծությամբ:

Առաջին գլուխը նվիրված է Ջավախքի հին և միջին դարերի պատմությանը: Հեղինակը իրավացիորեն փաստարկել է, որ խնդրո առարկա դարաշրջանի շատ հիմնահարցերի լուսաբանումը դառնում է գրեթե անհնարին առանց տարածաշրջանի, նա-

խորդ դարաշրջանի, թեկուզև՝ ուրվագծային պատմության ուսումնասիրության:

Գուգարքի և Հատկապես Զավախքի պատմական աշխարհագրության խորը իմացությունը Հեղինակին հնարավորություն է տվել ուրվադժեղ ուսումնասիրվող երկրամասի պատմաաշխարհագրական միջավայրը, ինչը կարևոր է հիմնահարցը ամբողջության մեջ լուսաբանելու համար: Նա չի խուսափում քննվող հարցերի շուրջ եղած բանավեճային մեկնարանությունների համադրումից և իր գնահատականներն է սալիս՝ ելնելով Հայագիտության մեթոդաբանությունից: Խոսելով «Զավախք» անվան ստուգաբանության մասին Հայտնված տարաբնույթ կարծիքների մասին՝ Հեղինակը հնագիտական տվյալների և սեպագիր սկզբնաղբյուրների տեղեկությունների հիման վրա ուսումնասիրվող երկրամասը դիտել է որպես Հայկական մշակութային գոտուն պատկանող տարածաշրջան և եզրակացրել, որ նախքան մ.թ.ա. VIII դ. Զաբախա-Զավախքը եղել է Հայ էթնոսով բնակեցված տարածք: Մեղքոնյանը կարևոր ճշտում է կատարել Հովհաննես Դրասխանակերտցու և Ստեփանոս Օրբելյանի հայտարարումների կապակցությամբ և նշել, որ մաքենացի վանականների տեղաշարժի առնչությամբ հիշատակվող Զրեսկ հոգևոր կենտրոնը ոչ թե Շիրակում էր, այլ Զավախքում:

Քննելով «Գյուրջիստանի վիլայեթի մեծ դավթարում» թվարկված գավառներն իրենց բնակավայրերով, ընտանիքների թվաքանակով, նրանց ծուխերի նահապետների անվանացանկերով, Մեղքոնյանը հանգում է կարևոր եզրակացության՝ թուրքական տիրապետության հաստատման սկզբնաղբյուրում՝ XVI դ. վերջին Զավախքն ու շրջակա գավառները բնակեցված էին Հայ էթնոսով, իսկ թուրքալեզու տարրեր առհասարակ չկային: Պատմական սկզբնաղբյուրների և արխիվային փաստաթղթերի վերլուծմամբ ցույց է տրվել, որ թուրքական վարչաժողովրդագրական քաղաքականությունը, պայմանավորված մահմեդական վերնախավի ազգային-քաղաքական և տնտեսական շահերով, միտված էր երկրամասի Հայերի էթնիկ պատկերի արմատական փո-

փոխմանը, որի արդյունքում, ի թիվս արևմտահայ այլ նահանգների, Ախալցխայի էյալեթը ևս դարձավ մահմեդաբնակ, այսպես կոչված «մեխնեթցի» թուրքերով բնակեցված: Ընդ որում, Հեղինակն ընդգծում է, որ «մեխնեթցի» աշխարհագրական անունով հանդես եկող այդ բնակչությունը սերում էր ոչ միայն քարթվելական բնակչությունից, ինչպես ընդունված է վրաց պատմագրության մեջ, այլ նաև Հայերից:

Ա.Մեղքոնյանի աշխատության արժանիքներից մեկն էլ այն է, որ հիմնավոր փաստերով հերքվում է վրաց պատմագրության մեջ առկա այն մոտեցումը, ըստ որի Զավախքը, իմա՝ Զավախեթիան, որևէ առնչություն չունի Հայ իրականության հետ և, իբր, Հայերի էթնոկարագիր է ձեռք բերել միայն 1830 թ. արևմտահայերի գաղթից հետո: Այս տեսանկյունից կարևոր է նաև այն հանգամանքը, որ Հեղինակը հատուկ անդրադարձել է երկրամասի աշխարհագրական անունների խնդրին և ցույց տվել դրանց մեծամասնության Հայկական ծագումը:

Ընթերցողը ամբողջական պատկերացում է կազմում օսմանյան լծի աղետաբեր հետևանքների, XIX դ. առաջին երեսնամյակի ռուս-թուրքական պատերազմների ընթացքում տեղի ունեցած ոչ Հայաստան էթնոգործընթացների, տարածաշրջանի նկատմամբ ռուսական քաղաքականության հիմնական ուղղությունների վերաբերյալ:

Աշխատության երրորդ գլխում, որը վերաբերում է Զավախքի ռուսական տիրապետության ժամանակաշրջանին՝ 1828–1917 թթ., լուսաբանվում են դավառում նոր վարչատարածքային համակարգի արմատավորման, արևմտահայության հաստատման, տնտեսական ու հոգևոր-եկեղեցական կյանքի աշխուժացման, անհամեմատ կայուն ժողովրդագրական իրավիճակի ստեղծման ու մշակութային զարթոնքի մանրամասները:

Առաջին անգամ հատուկ հետազոտությունների ենթարկվել է դարձել XIX դ. վերջին և XX դ. սկզբին արևմտահայ ազատագրական շարժումներին ջավախքահայության ակտիվ մասնակցության հարցը: Քննության են առնված գավառի կաթոլիկ Հայությանը «վրացացնելու» վրաց ուղղափառ եկեղեցու

քաղաքականական վտանգավոր նկրտումները, որոնք սկսվել են դեռևս 1860-ական թվականներից: Հեղինակն անդրադարձ է կատարել XIX դ. ընթացքում ցարական վարչաժողովրդագրական քաղաքականության, XX դ. սկզբից Անդրկովկասում ազգային-ստորաթային նոր բաժանում մտցնելու վերաբերյալ քաղաքական քննարկումների, Համաշխարհային սպառնալուծում գավառի սողիալ-քաղաքական իրավիճակի հարցերին: Հիշյալ գլխի գլխավոր արժանիքներից մեկն էլ ուսսական տիրապետության ողջ շրջանում տեղի ունեցած Հայաստան էթնիկ զարգացումների բացահայտումն է:

Չորրորդ գլխում ներկայացվում է 1917–1923 թթ. խռովահույզ տարիներին ջավախքահայության իսկական ողիսակալը՝ ցարական կարգերի տապալումից մինչև խորհրդային իշխանության սկզբնաշրջանը: Հեղինակը ցույց է տալիս Անդրկովկասի վարչատարածքային նոր Համակարգի ստեղծման վերաբերյալ 1917 թ. ընթացքում Հայ, վրաց և թաթար քաղաքական շրջանակներում սկսված քննարկումների, այդ հարցում ժամանակավոր կառավարության մտտեցումների ողջ բարդ ու հակասական գործընթացը, տարեվերջին Ախալքալաքի գավառում ստեղծված Հայկական ինքնավար վիճակը: Հեղինակը քննության է առել 1918թ. գարնանը գավառում մի կողմից Հայերի ու վրացիների, մյուս կողմից մեսխեթցի թուրքերի միջև սեռող թշնամության սլայմաններում գանազան քաղաքական շրջանակների անհեռատես դործողությունները, առավել ևս՝ թուրքական ներխուժման նախօրյակին:

Արխիվային նորահայտ նյութի հիման վրա մանրամասնորեն քննարկված են 1918 թ. ապրիլին գորավար Անդրանիկի Ախալքալաքի դավառ շարժվելու, թուրքական ներխուժման, գավառի Հայության ինքնապաշտպանության ու արտագաղթի, Բակուրիանի և Ծալկայի գաղթականների ընդմիջված անտանելի սլայմանների, Հայ փախստականների նկատմամբ մենչևիկյան Վրաստանի ղեկավարության անմարդկային մոտեցման և այլ հիմնահարցեր: Հատուկ հետազոտության նյութ է դարձել 1918 թ. վերջից Ախալքալաքի և Լո-

ռու Համար Հայ-վրացական Հակամարտության, այդ խնդրում անգլիական գորահրամանատարության Հակահայ քաղաքականության թեման:

Հեղինակն արխիվային նոր նյութերի հիման վրա կարողացել է ներկայացնել Ջավախքի հիմնահարցի լուծման Համար ստեղծված բարդ ու անսպաստ քաղաքական իրավիճակը 1920 թ. վերջին և 1921 թ. ընթացքում, որի արդյունքում Ախալքալաքի գավառը, Հակառակ տեղի բնակչության ճշող մեծամասնության՝ Հայերի բնական ձգտումների, բուլչեիկյան կուսակցական մարմինների կամայական որոշումներով բռնակցվեց խորհրդային Վրաստանին: Միաժամանակ ներկայացված են խորհրդահայ մի քանի գործիչների, մասնավորապես Ա. Մյասնիկյանի, Ա. Բեկգադյանի և Ա. Մուսալյանի ջանքերը՝ Ջավախքը Հայաստանին միացնելու կամ Վրաստանի կազմում գտնելու հայկական ազգային ինքնավարություն ստեղծելու ուղղությամբ:

Աչոտ Մելքոնյանի դիտական աշխատությունը նաև քաղաքական ողջամտության յուրահատուկ կոչ է: Հեղինակը գտնում է, որ Հայ-վրացական վիճահարույց հարցերը երբեք չպետք է հիմք Հանդիսանան քաղաքական առճակատման համար, որը կորստյան կմատնի բախտակից ժողովուրդներին:

Գիտակցելով արխիվային նյութի շրջանում գիտաքաղաքական կարևորությունը Հեղինակը, Ջավախքի պատմության շարադրանքին գուզընթաց, ձեռնամուխ է եղել տարբեր արխիվներից քաղված մի շարք կարևոր փաստաթղթերի հրատարակմանը, որոնք վերաբերում են մասնավորապես 1918–1921 թթ. շրջադարձային ժամանակաշրջանի իրագործություններին: Դրանք նոր լույս են սփռում 1918 թ. Ախալքալաքի գավառ թուրքական ներխուժման, գաղթականների ընդմիջված անտանելի սլայմանների ողբերգական վիճակի, նրանց նկատմամբ վրացական իշխանությունների վարած քաղաքականության, Հայ-վրացական միջպետական փոխհարաբերությունների և այլ հարցերի վրա:

Հեղինակը խորությամբ հետազոտել է ժամանակի մամուլը, ուր իրենց արտացո-

լուսն են գտել XIX–XX դդ. Ջավախքի պատմության բազմապիսի խնդիրներ: Այս իմաստով առանձնահատուկ տեղ ունեն մասնավորապես «Մշակը», «Հորիզոնը», «Ջանգը», «Աշխատավորը», «Հայաստանի աշխատավորը», Ախալցխայի «Շարժումը», Ախալքալաքի «Ջավախք» շաբաթաթերթը և այլն, որոնց նյութերն օգտագործված են ամենայն բարեխղճությամբ:

Անհրաժեշտ է շեշտել, որ չնայած գրքի վերնագրին՝ այն ավելի ընդգրկուն է և շոշափում է բազմաթիվ ու բազմապիսի խնդիրներ: Այն խիստ օգտակար է ինչպես Ջավախքի, այնպես էլ հարևան Ախալցխայի, Ասպինձայի, Մալկայի և այլ գավառների, առհասարակ Հայ-վրացական հարաբերությունների ու ողջ տարածաշրջանի պատմության ուսումնասիրության համար:

Աշխատանքը կշահեր, եթե ավելի հանգամանորեն ներկայացվեր գավառի սոցիալ-տնտեսական պատմությունը: Բայց այդ բացը, ինչպես աշխատության ներածության մեջ ընդգծել է հեղինակը, հավանաբար կլրացվի Ջավախքի սոցիալ-տնտեսական պատմությանը նվիրված առանձին ուսումնասիրության հրատարակմամբ:

Ա. Մելքոնյանն ընտրել է թեմայի բազմաբանակ ու բազմաբնույթ, հաճախ խճողված հարցերը քննարկելու և լուսաբանելու միանգամայն ճիշտ ու արդարացված եղա-

նակ պատմաքննական մեթոդը: Ծնորհիվ լեզուների և առաջին հերթին վրացերենի իմացության, բոլոր անհրաժեշտ սկզբնաղբյուրների ու գրականության նյութը ներառելու և պատմագիտական հիմնավոր պատրաստվածության, Աշոտ Մելքոնյանը ստեղծել է բարձրարժեք ու մնայուն աշխատություն: Տեսական լավ պատրաստվածությունը, պատմական աշխարհագրություն և ժողովրդագրության հեղինակի մասնագիտական իմացությունները մեծապես նպաստել են հաջողված մենագրություն ստեղծելուն: Հաջողության գրավականները մեկն էլ եղել է այն, որ հետազոտողը պատմական երկարատև ժամանակաշրջանում իրեն զբաղեցնող հիմնահարցերը քննարկել է Անդրկովկասի և Ռուսաստանի պատմության ընդհանուր հետնախորքի վրա: Մենագրության ընդհանրացումներն ու եզրահանգումները փաստագրված են ու համոզիչ:

Աշոտ Մելքոնյանի «Ջավախքը XIX դարում և XX դարի առաջին քառորդին» մենագրությունը կարևոր ներդրում է պատմական Հայաստանի առանձին գավառների ամբողջական պատմության, ժողովրդագրության, Հայ-վրացական հարաբերությունների ուսումնասիրության և առհասարակ պատմագիտության բնագավառում:

Վ.Լ.Ա.ԴԻՄԻՐ ԲԱՐԽՈՒԴԱՐՅԱՆ